

## 粉絲開館 推廣電車文化

### 展出稀有珍藏品 分享老香港情懷

蘋果日報 20131012



【本報訊】「叮叮、叮叮！」有百多年歷史的電車，不僅是訪港旅客必遊景點，亦是港島人日常生活一部份。80後電車迷 Eric，在山頂開設了全港首家以電車為主題的電車文化館，展出一批珍貴電車歷史文物，向遊客推廣電車文化，也讓更多人分享「老香港」情懷。

記者：盧勁業

今年 29 歲的李俊龍（Eric）是香港電車迷會「電車友」會長，對電車的熱愛，緣於兒時居於跑馬地，「時代廣場重建前係電車廠，細個嗰陣我同媽媽去鵝頸橋街市買餸，順便去睇電車；我當時見到花花綠綠嘅電車廣告，覺得好吸引，我仲會扮電車，去行地面縱橫交錯的入廠路軌」。

這份情意結，驅使他長大後膽粗粗向電車公司申請授權，在工餘時間設計及生產電車精品；他的熱誠最終打動電車公司而獲批准。一年前開始，他在山頂廣場擺檔售賣電車精品，大受中外遊客歡迎，現更「升呢」租舖，於 10 月 1 日成立電車文化館，小小館內，放滿各種珍貴電車歷史文物展品，不少由電車公司、退休電車司機等捐出，或搜羅自海外收藏家，免費供遊人參觀。



電車輸電總掣



30年代車票



英國製車票打孔機

## 車票打孔機成鎮館之寶

鎮館之寶是一款 30 年代由英國製造的車票打孔機，「當年電車有跟車售票員，售票員就係用呢款打孔機，喺（車票上）乘客登車車站名上打窿，打窿時會發出清脆聲音」。電車公司在 70 年代末停止人手售票，打孔機亦早已散失，這部是從一名已退休的電車公司員工處覓得。歷史最悠久的，則是有「電車靈魂」之稱的電車輸電總掣，生產於上世紀 20 至 30 年代英國，重十多公斤，「呢個可以話係電車開關掣，生產佢嗰間英國工廠喺 40 年代已經執咗笠，但個掣過咗一個世紀仍然運作暢順，一大家全香港仲有 3 架電車用緊呢款輸電總掣供電」。

比起這些珍貴文物，最讓 Eric 鍾情的是一款名不經傳的 60 代電車塑膠玩具，「呢款係當年少數以香港電車為藍本製造嘅玩具，非常罕見；雖然係港產，但呢款玩具當年外銷歐美，要喺外國人手上先買到返嚟」。展品皆為非賣品，文化館經費由售賣精品收入支撐，財政「搵搵緊」，但 Eric 說已相當滿足，皆因能透過文化館將電車文化發揚光大。下一步他希望政府可牽頭興建一座交通博物館，讓香港人全面了解香港交通發展。

## 香港電車文化館 資料

地址：香港山頂廣場二樓 18 號舖

開放時間：星期一至日上午 10 時 30 分至晚上 8 時 30 分

網址：<http://www.facebook.com/hktramstation> 